

欽定剿平三省邪匪方略

正編

二三

卷之三 雜著

欽定剿平三省邪匪方略正編卷三十九

丁巳年

五月二十一日

庚申

額勒登保福寧奏言前此進

剿車家灣黃花坡等處賊匪因分水嶺橫隔而

芭葉山之大壠口賊又劄有木城官兵急切不

能進取

臣

等查分水嶺半山原有小路可至大

壠口遂定於初四日發兵

臣

額勒登保由黃花

坡進攻分水嶺

臣

福寧由吳家坂出簡家槽分

擊俾賊匪顧此失彼是日五鼓臣額勒登保督

率綸布春薩克坦布等帶兵繞至分水嶺沿坡

賊匪劄有卡座官兵突入剿殺連得賊卡七八

處賊匪死者無算千總李榮光首先擊賊中鎗

陣亡天甫黎明距對面大荒口尙有五六里賊

匪於大荒口木城下築有長石卡一道卡內放

鎗甚密並有賊礮官兵所過之路羊腸一線難

於存住遂卽撤回

臣

福寧督同遊擊多福都司

孫效前等率領兵勇搶上簡家槽賊匪俱於民

房佔據滾木擂石俱下孫效前等奮勇直撲拋

擲火彈將房屋焚燒賊人被燒中鎗死者甚多

自簡家槽以上均係懸崖陡坎賊匪於山巔割

有木城石卡施放鎗礮且官兵離吳家坂已有

五六里山路錯雜難以輕進該匪等爲官兵四

面緊逼處處劄有木城石卡深挖濠溝以爲抵
死抗拒之計大壠口係芭葉山要路必須攻得
而欲破大壠口又須先克分水嶺

臣

額勒登保

復於初五日抽調各卡奮勇官兵從分水嶺背

面徑上岩壁旣陡箐林又密綸布春三音庫等

率領兵丁隨處砍伐攀援挽挈自辰至未甫至

嶺巔

臣

額勒登保亦卽踵上眼見賊匪徃來大

堠口木城當將礮位用繩繫上連放數礮打入
木城賊匪驚惶而男婦猶數百爲伍蟻聚蜂屯
被礮飛擊跌仆始行藏匿正欲乘勝下壓直撲
大堠口因嶺下坡坎陡削又係活沙官兵未能
遽下卽拏卡駐劄初六日至初九日晝夜密雨
不止初七日拏獲匪犯陶世能訊供林之華覃
加耀因糧食短少山上青麥未熟不能久住官

兵緊逼大荒口實在畏懼今於雨中下山跣路

仍欲脫逃查大荒口一帶營卡俱甚結實恐各

路營卡尙有未能周密之處臣額勒登保於初

九初十等日由鄔陽關至金雞口沿途察看

營卡俱屬嚴緊白金雞口至蠻路口層巒疊嶂

道路綿長營卡尙覺稍疎當卽酌量抽撥官兵

三百餘名擬於猪耳寨三股嶺等處扼要山梁

添拏營卡初十日帶同關騰等甫經上嶺賊匪
竟敢攢聚先於隔溪放鎗直犯官兵並卽上坡
希冀截路

臣

額勒登保督令侍衛官兵奮力攻

擊斃賊多名尙相持不下諸神保由打子臺帶
兵趕至兩路截殺賊始潰竄官兵追殺二百餘
人遊擊林朝輔鎗箭疊斃賊匪猝爲賊鎗所中
陣亡遂分兵卽於猪耳寨三股嶺一帶拏卡十

餘處金雞口有慶溥駐劄營卡聯絡可無他虞
並卽令關騰移駐蠻路口防範當此事在垂成
如各路有間可乘

臣

等敢不盡心剿辦以期殲

擒賊首掃蕩賊巢此次打仗弁兵間有傷亡容

另查明咨部辦理再將軍成德於前月二十七

日在石子坳等處打仗之後卽遍身發熱飲食

減少伊年逾七旬精神委頓

臣

等先後前往看

視諄囑安心調養奏入

上命軍機大臣傳諭額勒登保福寧曰額勒登保等
分路進攻分水嶺等處山梁雖未擒獲賊首但已
將緊要山梁卡座攻克並於要隘接拏營卡緊逼
賊巢兩次打仗殺賊均爲奮勇出力額勒登保福
寧著各賞白玉喜字牌大小荷包綸布春諸神保
關騰著各賞喜字玉搬指大小荷包其殺賊陣亡

之遊擊林朝輔千總李榮光俱著各部加等議卹
該處賊匪勢已窮蹙額勒登保素爲奮勇諒必不
肯稍涉選懦其所稱連日密雨暫行拏卡駐劄之
處自屬可信但天氣晴齊後卽當乘勝進逼至林
之華等因口食短少不能久住現在跣路希圖脫
逃不可不嚴密防範額勒登保等務須督率將領
官兵四面圍逼斷不可稍有疎忽致令乘間逃往

鶴峯建始等處爲要至閩所進圖內賊前據之黃
柏山距芭葉山不遠今芭葉山賊匪築有木城賊
卡堅固林立斷非倉猝可辦從前額勒登保等若
非予賊以暇卽係守禦不嚴疎縱之咎皆所不免
惟在此番速擒首逆尙當加之恩獎不究前罪也
又據奏成德在石子坳打仗後感冒致疾尙未就
痊曾否調理全愈現在正當圍剿緊要之時石子

坳地方祇有成德駐劄今又患病恐未能督率嚴
防閱圖內西北一帶有諸神保關騰張廷彥三人
在彼分駐著額勒登保福寧酌量情形抽撥一人
前赴石子坳替換成德防守方可放心

二十五日甲子與肇奏言臣前因撈峪口距賊已

遠地方寧謐於四月二十二日會商恒瑞秦承
恩帶兵馳抵秦嶺口堵防嗣探知賊匪相離更

遠未便株守卽於五月初八日前進相機堵剿
初十日行抵廟臺地方據鄉勇等報稱有賊屯

潛田賊匪楊一喜王雲海等二名在曹家坪窰

溝石望溝一帶欲圖勾結習教匪徒歸夥現俱

在窰溝屯聚懇請剿辦等情

臣

卽帶兵行抵曹

家坪傳集鄉保詳詢屬實當卽帶領健銳營翼
長富廉等馳赴窰溝密派官兵繞赴山後先將

溝口扎住然後督兵前進搜捕該匪等見事已
敗露公然持械抗拒富廉等鼓勵將士鎗箭齊
發登時斃賊數十餘名餘賊搶上山坡擲石回
擊富廉等見其技窮卽督率馬步兵丁一擁撲
上賊俱四散敗竄經官兵趕上矛刺刀砍又殺
賊數十名并擒活口二十一名口楊一喜亦在
其內臣復飭令細加搜捕實已淨盡無遺訊據

楊一喜供係黃梅縣人素習邪教窖溝石望溝
兩處俱有徒弟前月二十二日賊到採玉窖時
就投入賊營幫同打過一仗因聞得各路俱有

官兵所以潛回思要結勾衆人一同前去不意
官兵到來就被拏獲其餘各犯俱係從犯

臣審

明後卽於軍前正法梟示其婦女幼孩五名口
發解商州照例辦理現在探知賊皆在西奔竄